

# مجموعه فنون

۱۱

جمعیت علمیه عثمانیه

---

برنجی پسته

ذی الحجه

نومرو ۱۲

---

استانبول

جمعیت علمیه عثمانیه مطبعه سنده طبع اولمشر

۱۲۷۹

والجاسل دنیا یوزنده موجود اولان اجناس بی ادم اشبو اوج  
قول ارن الی فرعک از دواج واجتماع لرندن باشلوب مرور سنین  
واعصار ایلہ سطح ارضک اماکن معتدله سندن اطراف واکشاف  
عالمہ مهاجر تلو وقوعی صاری و سیاه و نحاسی و قمری وزینونی  
ونکرده اقوام و ملل مختلفہ نک ظهور ینہ سبب اولمشدر  
بقیدسی مسکره (خیر الله)

### (خلاصه بولیقه)

#### فرانسه

فرانسه مبعوثان ملت مجلسنک بود دفعہ مدتی ختام پذیر اولمش  
اید و کندن بروجہ معتاد مجدداً انتخاب اولنان اعضا نیک اکثریتی  
حکومت حاضرہ افکاری عایہندہ بولنا ناردن اولوب بودخی فرانسه  
امور مالیہ سنک یولندہ ارمدا یغندن طولابی اہالی نیک حکومت  
حاضرہ دن خوشنود ارمدا لرندن نسات ایتمشدر بو کیفیت بالطبع  
دولتجدہ موجب اندیشہ و تلاش ازلہ رق شو خصوصاً اوکنی کسدر ملک  
اوزرہ بعض تدابیرہ تشبث ارنمش و از جلہ داخلہ و کلی طرفندن  
اہالی یہ اعلان اولنق اوزرہ ایالات والی وقائمقما ملق لرینہ  
خطاباً بررقہ طعہ عموم مکتوبی یازیلوب بونک خلاصہ ما آئندہ اگرچہ  
براز وقت دنبرو خزینہ دولت بعض مرتبہ مصارف زائدہ یہ درچار  
اولمش ایستدہ بونلر نابجیا اولمیوب فرانسنک اعلای شہانی  
واہالی سنک استیصال سعادت حالی ضمیمہ رقو عیواس

اولدیغندن اهالی بورا لرینی مظالمه ایله ایمرا طور حضرت تهرینک  
خلاف مر ضبسی حرکاتدن اجتناب ایللری مأمول ومتنظر ایدوکی  
محرر بولمیشدر .

### لهستان

لهستان اختلالی کمال اشتداد اوزره درام ایتکده در . لوازم  
حریده نیک تدارکی ضمیمه مقدما لهستانده تسکلی ایتیش اولان  
حکومت ملیه بودفعه حکومت مشروطه اصوله تطبیقاً تنظیم  
اولمش و حکومت مذکوره معرفتیه اصحاب املاکدن تحصیل  
اولان ویرکومصارفات حریده درجه کفایه ده اولدیغندن  
خارجدن براستفراض عقدینه دخی تشبث قلمیشدر .

لهستان مسئله سی حقدنه اوروپا دولتری طرفدن روسیه دولته  
وقوعبولان تبلیغاته ویریلان جواب صدره شفا ورر قبیلدن  
اولدیغه واوروپاده اهالی نیک لهلولر حقدنه میل و محبتلری کنده  
تراید ایتکده ایدوکه بئانکثره دولتی اولابرسنه مدته برقرارکه  
عقد اولمشی ثانیاً لهستانده بولان قلاع واستحکاماتک  
روسیه عساکری یدنده قالمسی . ثانیاً در عقب لهلوله  
مخصوص برحکومت ملیه تشکیل قلمیشی رابعاً داخل اختلال  
بولان اشخاصدن هیچ بریسنک توقیف و محاکمه اولماسی خصوصنک  
بالاتفاق روسیه دولته تبلیغی تصور ایدوب فرانسه و اوستریا  
دولترینه بیان کیفیت ایلش و اوستریا دولتی مع زیاده نوکاموافق ایدوب  
فرانسنک دخی بوانفاقه داخل اولاجنی ملحوظ ايسدده هنوز  
رأیی نه مرکرده اولدیغی معلوم اولمامیشدر .

## (یونانستان)

یونان قرالی انتخاب اولسان دایمئارقه پرنسی کلیم یورکینک  
 مسند مذکورک قبولی تعلیق ایلدیکی بعض شرائضدن  
 طولای ظهور ایدن مشکلات دول ثلثه حامیه ک حسن همتلریله  
 بوکره برطرف اولمش اولغله مشارالیه ک اغستوس اواخرینه  
 طوغری یونانستانه ورودی مأمولدر قرال مشارالیه  
 معاش سنوی اوله رق یونانستان وارداتندن ۱,۲۰۰,۰۰۰  
 برملیون ایکوزیک فرائق ایله جزایر سبعة دن دخی سنوی  
 یوز الی بیک فرائق کک نورر بعض املاک ترک و تخصیص  
 اولوب بوندن بشقه روچیلد استقراضندن طولای یونان  
 دولتک دول حامیه سنوی اعطا ایتدیکی اون ایکشیر  
 بیک لیرادن قید حیات شرطیله قرال مشارالیه دردربیک  
 لیرا تخصیص اولمسنه دول مشارالیه طرفندن موافقت  
 کوسرلمشدر . الیوم یونانستانک هر طرفنده مکاکان امنیتسزاک  
 باقی اولوب قرائک ورودندن صکره امن واسائش حصولی  
 ملحوظدر .

## (ممالک مجتمعه امریقا)

بکن مایس افرنجینک اون التیسنده شمال اردوسی جزالردن  
 غرانت ایله جنوبولور بیننده پامبرتون نام محله برمحاربه وقوع بوله رق  
 جنوبولور درت بیک ادم ایله یکرمی طقوز طوپ غایب ایتشلردر  
 جزال مومی الیه مؤخرأ ویفسبورغ شهری اوزرینه هجوم ایتش  
 وجنر بلورکال شدله مدافعه قیام ایلدکری جهته بش بیک  
 قدر اتفاق اولدغی حالده ککرو چککه مجبور اولمشدر .

جنوب لولك مركز حكومت اتناذايتش اولدقلى ريشموند شهرى  
اوزر يته سوق اولمش اولان جسيم شمالو اردوسى جنوب لولر  
معلق يول اوزرنده مصادف اولديغى برچوق كوپرى و تيمور يول  
خطلر يني هدم و تخریب ايتش اولديغى منالو شمال لولر غيلمسون  
كورفرى لياننى دخی ضبط ايتلاردر . جمهور شمالى رئيسى مسيولينقولن  
يقينه اهلين مجدداً عسكر تخريراوانه جفته دائر بر اعلاننامه نشر  
وجله سى رنجى اولق اوزره بودفعه اون الاى عسكر ترتيب ايتلاردر .  
ممالك شماليه اهالى سى حربك منتج اولديغى مصائب واكداردن  
وحكومتك بويابده اتناذايتديكى بعض تدابير شديده دن ناشى زياده  
مضطرب و دلگير ايتلاردر . مقدماء وقوعبولان ( شانسلور ويل )  
شهرى محاصره سنده شمال لولردن اون اوچبيك بشيوز آدم مقتول  
و مجروح اولوب درتيبك بشيوزى دخی اسير دوشديكى بودفعه  
رسمائ تحقيق قلميشدر . جنوب اردوسى باش قوماندانى هوفر  
الافرانقه مايكك بشينده قالموت شهرينى كاملاً ضبط ايتش  
و مجروحلرينى ميدان محاربده براغهرق موجود معيتى اولان  
عسكرله درون شهره دخول ايتلاردر .

( مكسيقا )

مكسيقاده بولنان فرانسه اردوسى پوآبله شهرى اوزر يته  
هجوم ايله بعض محللرينى دخی ضبط ايتلار ايسده هنوز كاملاً  
اخذ اولنده ماش اولغله شهر مذكور كمال شدتله حصر و تضيقنه  
دوام اولمقدهدر . محصور بولانلر ذخائر و مهمات و باخصوص  
صويك فقدانندن ناشى زياده حال مضائقده اولوب برطرفدن  
دخی فرانسه اردوسى اتناذايتكده اولمريله ارتق چوق وقت  
مقاومت ايدميدرك تسليم اولملى ممولاً بولنمشدر .